



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Accipere Sacramentum & rem sacramenti differunt. tit. 94.

urn:nbn:de:hbz:466:1-29452

scilicet, memoria passionis eius: ideo in Ecclesijs re-
seruamus eucharistiā, non in carceramus: portamus
publicè, ostendimus populo, quia nos credimus ibi
verum esse Christi corpus & sanguinem, quo redemp-
ti sumus. Illi qui hoc recusant, non rectè sentiunt de
sacramento & cetera.

At post consecrationem manere corpus vsq; ad cõ-
sumptionem extra vsum, testatur Eusebius de Serapi-
one scribens, & Hieronymus de Episcopo Tolosano
Exuperio, Ambrosius de fratre suo, qui sacramentū
ad collum suspensum portabat. Miraculū quoque sæ-
pius Iudæi sacramentum martyrizârunt: sed hæreti-
cus homo subuersus est, Tit. 3.

Quartò, Arguunt sectæ: si extra vsum sacramentum
maneret, tūc si mus comederet, etiā sacramentū ma-
ducaret, &c. vel etiam aranea &c. Respondeo, Vsum sa-
cramenti nō facit sacramentū sed consecratio verbi
Dei, secundò, idoneus susceptor sacramenti exigitur
id est, homo rationalis & Christianus. At cū talis nō
sit mus, ideo non comedit sacramentū, licet speciem
rodar: est talis masticatio sine fide, extra debitum v-
sum. Vnde si mus caderet in baptismū, nunquid bap-
tizatus esset? Pessimus igitur hic error est, verbū
Dei sic confundere &c.

ACCIPERE SACRAMEN-
tum, & rem sacramenti, differunt.

TITVLVS XCIII.

Augustin. super Ioannē tractatu 26. super
hæc verba, Ego sum panis viuus: Aliud,
inquit, est sacramentum, & aliud virtus
seu res sacramēti, Exempli gratia: Iudæ-
us non credēs in Christū, si baptizetur,
aut corpus Christi accipit? Respondeo, accipit, sed nō
virtutē & fructū sacramēti. potest enim glutire sacra-
mentum consecratum sicuti Christianus, & laua-
ri,

Rr 2 ri,

ri, &cæ. Sed quoniam fides deest, quæ in omni sacramento præexigitur, iuxta illud Marc. ultim. Qui crediderit & baptizatus fuerit &c.

Secundò, nedùm Iudæus, sed etiam malus Christianus in vita, etiamsi ore fidem confitetur, sic communicans, solum accipit sacramentum, non vitam & fructum sacramenti, sicut Apostolus dicit Corin. 11. Qui indignè accipit, ille iudicium sibi imducatur, & bibit, sed quis est, qui indignè accipit? Respondèdo, qui scienter in aliquo peccato manifestò contra legem Dei, Gal. 5. sine pœnitentia & proposito relinquendi peccatū accipit, ut adulter impœnitens, odiosus impœnitens, vsurarius impœnitens, &c. Non comunicans debet dolere de omnibus peccatis: secundò propositum habere peccata dimittendi: Tertio, petere ut virtus victimæ Christi sibi comunicetur, ut in gratiam, ex qua excidit, iterū recipiat, ut manere possit in Christo, & Christus in illo, Ioan. 14.

Tertio, ex hoc dicitur quod omnes sectæ, quæ in odio contra Ecclesiam catholicam viuunt, accipiunt quidem sacramenta, baptismum, eucharistiam, abolutionem, &c. sed non fructum, & rem sacramenti. Et medicina sine fructu, cibus qui non exaturat animam, sic orans in odio orationem dominicam, orat reserua verba, sed sine fructu propter labem odij & schismatis cum fratre, & sic dicit Apostolus 1. Co. 13. Si habero omnem fidem &cæ. Nihil igitur prodest accipere sacramentum sine fructu &c. externè hoc fit sine gratia interna.

Quarto, inquires: frustraneus ergò omninò est usus sacramentorū? Respon. Pro tanto valet, inquit Augustinus, ut cum sectæ redierint ad unitatem Ecclesie, tunc incipiant sacramenta habere efficaciam, sicut Matt. 5. Christus dicit: Vade reconciliari primo fratri tuo, & tunc venies &c. Sed durate schismate & odio, &c. non sunt efficaia. In segregatione igitur viuunt

ut scilicet, ibi non est spiritus sanctus, ut dicit Iudas Apostolus in sua Epistola canonica, neque gratia sacramenti, Quinto, quoties quis recesserit ab unitate Ecclesie Catholice, id est charitatem fregerit, in peccatum ceciderit, post sumptionem sacramentorum, illi redeunt peccata dimissa: gratia iterum deperditur, & omne bonum quod unquam fecerit, cassatur. Et sine fructu sunt, donec durauerit peccatum, & poenitentia cordis non fuerit dilutum. Sic inquit Christus Matt 18. de seruo nequam, cui fuit dimissum omne debitum, at ille noluit commisereri conseruo &c. Sic faciet vobis, inquit Christus, pater meus ecclesie &c. sine fide ergo & charitate, id est, nullum prodest sacramentum, quia ibi non est res & fructus sacramenti: aliud ergo est accipere sacramentum & rem sacramenti: & aliud, solum sacramentum.

COMMUNICATURUM

que scire oporteat.

TITVLVS XCV.

PRIMA sunt notanda. Primo, quae oporteat scire communicantem, scilicet, primo, Articulos fidei, Decalogum, orationem Dominicam: Secundo, quid sit sacramentum, & quare institutum: Tertio, periculum, & fructum prouenientem dignè aut indignè à communicantibus.

Primo, iuuentus, & alij volentes communicare, debent primo scire distinctim articulos fidei: primo, quod Deus pater eum creauit, quando non esset, Gen. 1. Creauit Deus hominem. Secundo, quod filius Dei eum redemit iterum quando perditus fuit. Nam idè est incarnatus, conceptus de spiritu sancto, natus & passus, s. pro nostra redemptione Ro. 4. Mortuus est pro peccatis &c. Tertio, quod per spiritum sanctum est illuminatus fide, qui etiam omnes

R 1 3 fideles